



宋繫太平御覽



1 3
403
121



13
403
121



太平御覽卷第七百八十一

類四夷部二

新羅東夷二

夫餘

百濟

北史曰百濟之國者其先蓋馬韓之屬也出自夫餘王東明之後有仇台篤於仁信始立國于帶方故地漢遼東太守公孫度以女妻之遂為東夷強國初以百家濟因號百濟其國東極新羅北接高句麗西南俱限大海東西四百五十里南北九百里其都曰居拔城亦曰固麻城其外更有五方中方曰古沙城東方曰得安城南方曰久知下城西方曰刀先城北方曰熊津城
又曰百濟國王姓夫餘氏號於羅瑕百姓呼為韃吉支夏



新羅金田書

此係明治八年八月八日
卅八日
月山諸田一人
卍君山田一人
郎君以贈

新羅金田書

言並王也王妻號於陸夏言妃也官有十六品左平五人
一品達率三十人二品恩率三品德率四品杆率五品奈
率六品已上冠飾銀華將德七品紫帶施德八品皂帶固
德九品赤帶季德十品青帶對德十一品文督十二品皆
黃帶武督十三品左軍十四品振武十五品卷虞十六品
皆白帶自恩率以下官無常負各有部分其人飲食衣服
與高麗略同若朝拜祭祀其冠兩箱如翅戎事則不拜謁
之禮以兩手據地為禮婦人不加粉黛女辮髮垂後已出
嫁則分為兩道盤於頭上衣似袍而袖微大兵有弓箭刀
稍俗重騎射兼愛墳史有鼓角篳篥箏竽篳篥之樂投壺
樗蒲弄珠握槊等戲尤尚奕碁行宋元嘉曆以建寅月為
歲首賦稅以布絹絲麻及米等量歲豐儉差等輸之其刑
罰反叛退軍及殺人者斬盜者流其賊兩倍徵之婦犯姦



沒入夫家為婢婚娶之禮略同華俗父母及夫死者三年
居服餘親則葬訖除之土川下濕氣候溫暖人皆山居有
巨粟其五穀雜菓菜蔬及酒醴肴饌之屬多同內地唯無
馳驟羊鵝鴨
又曰百濟國中大姓有八族沙氏燕氏勃音協氏眞氏解氏
骨氏木氏苜氏音白其俗每以四仲月祭天及五帝之神立
其始祖仇台之廟於國城歲四祠之
又曰隋開皇初百濟王餘昌遣使貢方物拜上開府帶方
郡公百濟王平陳之歲戰船漂至海東馳牟羅國其船得
還經于百濟昌資送甚厚并遣使奉表賀陳平文帝善之
八年昌復使長史王辯邠來獻方物屬興遼東之役奉表
請為軍導高麗頗知其事兵侵其境大業七年帝親征高
麗其王餘璋使國智牟來請軍期帝遣尚書起居郎席律

六子相覽 卷之百八十一 二 畢遠
請彼與相知明年六軍度遼餘璋亦嚴兵於境聲言助軍
實持兩端尋與新羅有隙每相戰爭十年復遣使朝貢後
天下亂使命遂絕

南史曰晉義熙十二年以百濟王餘映為使持節都督百
濟諸軍事鎮東將軍百濟王宋元嘉二年詔兼謁者閭丘
恩子兼副謁者丁敬子往宣旨慰勞其後每歲遣使奉表
獻方物二十七年上表求易林雜占腰弩文帝並與之梁
天監中進號征東大將軍尋為高麗所破衰弱累年遷居
南韓地普通二年王餘隆上表陳累破高麗今始與百濟
通好更為強國五年餘隆死詔以其子明為百濟王所都
城曰固麻謂邑曰檐魯如中國之言郡縣也其國有二十
二檐魯皆以子弟宗族分據之其人形長衣服潔淨其國
近倭頗有文身者言語服章略與高麗同呼帽曰冠襦曰

複衫袴曰禪其言參諸夏亦秦韓之遺俗云中大通七年
累遣使獻方物并諸涅槃等經義毛詩博士并工匠畫師
等並給之太清三年遣使貢獻及至城闕荒毀並號慟涕
泣侯景怒囚執之景平乃得還國

唐書曰百濟國王所居有東西兩城所置內官曰內臣佐
平掌宣納事內頭佐平掌庫藏事內法佐平掌禮儀事衛
士佐平掌宿衛兵事朝廷佐平掌刑獄事兵官佐平掌在
外兵馬事其用法叛逆者死籍沒其家殺人者以奴婢三
人贖罪官人受財及盜者三倍追贓乃終身禁錮凡諸賦
稅及風土所產多與高麗同其王服大袖紫袍青錦袴烏
羅冠金花為飾素皮帶烏革履官人盡緋為衣銀花飾冠
庶人不得衣緋紫歲時伏臘同於中國其書籍有五經子
史又表疏並依中華之法其國西南海中有三島其上出

九平御覽 卷之八十一 三
黃漆樹似小榎而樹大六月取其汁漆器物色如黃金其
光奪目

又曰武德四年百濟王扶餘璋遣使來獻果下馬七年又
遣大臣奉表朝貢高祖嘉其誠款遣使就冊爲帶方郡王
百濟王自此歲遣朝貢高祖勞撫甚厚因訟高麗閉其道
路不許來通中國詔遣朱子奢往和之又與新羅世爲讎
敵數相侵伐貞觀元年太宗賜其玉璽書令即停兵革璋
因遣使奉表陳謝雖外稱順命內實相仇如故十一年遣
使來朝獻鐵甲雕斧太宗優勞之賜絺帛錦袍等

又曰貞觀十六年百濟王義慈興兵伐新羅四十餘城又
與高麗和親通好謀欲取党項城以絕新羅入朝之道新
羅遣使告急請救太宗遣司農丞相里玄獎賚書告諭兩
蕃示以禍福及太宗親征高麗百濟懷貳乘虛襲破新羅

七城二十二年又破其十餘城數年之中朝貢遂絕高宗
嗣位始遣使朝貢六年新羅王金春秋上表稱百濟與高
麗靺鞨侵其北界已沒三十餘城顯慶五年命左衛大將
軍蘇定方統兵討之大破其國虜義慈及太子隆小王孝
演僞將五十八人等送於京師上責而宥之其國舊分爲
五部統郡三十七城二百戶七十六萬至是乃以其地分
置熊津馬韓東明等五都督府各統州縣立其酋渠爲都
督刺史及縣令命右衛郎將王文度爲熊津都督摠兵以
鎮之

又曰百濟王義慈事親以孝行聞友于兄弟時人號東海
曾閔及至京數日疾卒贈金紫光祿大夫衛尉卿特許其
舊臣赴哭送就孫皓陳叔寶墓側葬之

夫餘

後漢書曰夫餘國在玄菟北千里南與高句麗東與挹婁西與鮮卑接北有弱水地方二千里本穢地也初北夷橐離國王出行其侍兒於後婁身王遂欲殺之侍兒曰前見天上有氣如大雞子來降我因以有身王囚之後遂生男玉令置於豕牢豕以口氣噓之不死復徒於馬欄馬亦如之以爲神乃聽母收養名曰東明東明長而善射王忌其猛欲殺之東明奔走南至掩淲音斯水以弓擊水魚鱉皆聚浮水上東明乘之得度因至夫餘而王之焉於東夷之域寂爲平敞土宜五穀出名馬赤玉貂豹大珠如酸棗以負柵爲城有宮室倉庫牢獄其人麤大強勇而謹厚不爲寇鈔以弓矛爲兵以六畜名官有馬加牛加狗加其邑落皆主屬諸加食飲用俎豆會同拜爵洗爵揖讓升降以臘月祭天大會連日飲食歌舞名曰迎鼓是時斷刑獄解囚徒有

軍事亦祭天殺牛以號占其吉凶行人無晝夜好歌吟音聲不絕其俗用刑嚴急被誅者皆沒其家人爲奴婢盜一責十二男女淫皆殺之尤惡妬婦既殺復尸於山上兄死妻嫂死則有槨無棺殺人殉葬多者以百數其王葬用玉匣漢朝常預以玉匣付玄菟郡王死則迎取以葬焉建武二十五年夫餘王遣使奉貢光武厚報荅之於是使命歲通至安帝永初五年夫餘王始將步騎七八千人寇鈔樂浪殺傷吏人後復歸附永寧元年乃遣嗣子尉仇台詣關貢獻天子賜尉仇台印綬金綵順帝永和元年其王來朝京師帝作黃門鼓吹角抵戲以遣之桓帝時亦朝貢獻帝時求屬遼東云

魏志曰夫餘本屬玄菟其俗有敵諸加自戰下戶俱擔糧飲食之其死夏月皆用冰有槨無棺停喪五月以久爲榮

其居喪男女皆純白婦人着布面衣去環珮大體與中國相類漢末公孫度雄張海東威服東夷夫餘王尉仇台更屬遼東時句麗鮮卑強度以夫餘在二虜之間妻以宗女正始中幽州刺史母丘儉討句麗遣玄菟太守王願詣夫餘王位居遣大加郊迎供軍糧舊夫餘俗水旱不調五穀不熟輒歸咎於王或言當易或言當殺其印文言獫狁之印國有故城名獫狁蓋本獫狁之地而夫餘王其中自謂亡人抑有以也

晉書曰夫餘國至太康六年爲慕容廆所襲破其王依慮自殺子弟走保沃沮武帝以何龕爲護東夷校尉明年夫餘後王依羅遣使詣龕求率見人還復舊國遣督郵賈沈以兵送之爾後每爲虜掠其種人賣於中國帝又以官物贖還禁市夫餘之口自後無聞

新羅

秦書曰苻堅建元十八年新羅國王樓寒遣使備頭獻美女國在百濟東其人多美髮長丈餘又曰苻堅時新羅國王樓寒遣使備頭朝貢堅曰卿言海東之事與古不同何也答曰亦猶中國時代變革名號改易

南史曰新羅魏時曰新盧宋時曰新羅或曰斯羅其國小不能自通使聘梁普通二年王姓募名秦始使使隨百濟奉獻方物其俗呼城曰健牟羅其邑在內曰喙評在外曰邑勒亦中國之言郡縣也國有六家喙評五十邑邑勒土地肥美宜植五穀多桑麻作縑布服牛乘馬男女有別其官名有子賁旱支壹旱支齊旱支謁旱支壹吉支奇貝旱支其冠曰遺子禮襦曰尉解袴曰柯半靴曰洗其拜及行

與高麗相類無文字刻木爲信語言待百濟而後通焉
北史曰新羅者其先本辰韓種也辰韓始有六國後稍分
爲十二新羅則其一也或稱魏將母丘儉討高麗破之奔
沃沮其後復歸故國有留者遂爲新羅亦曰斯盧其人雜
有華夏高麗百濟之屬兼有沃沮不耐韓穢之地其王本
百濟人自海逃入新羅遂王其國初附庸百濟百濟征高
麗不堪戎役後相率歸之遂致強盛因襲百濟附庸於迦
羅國焉

又曰新羅王眞平以隋開皇十四年遣使貢方物文帝拜
眞平上開府樂浪郡公新羅王其官有十七等一曰伊罰
于貴如相國次伊尺干次迎干破彌于次大阿尺干次阿
八干次乙吉干次涉咄干次及伏干次太奈摩干次奈摩
干次大舍次小舍次吉士次大鳥次小鳥次造位外有郡

屯管部俗風俗刑政衣服略與高麗百濟同每月旦相賀
王設宴會班賚群官其日拜日月神主八月十五日設樂
令官人射賞以馬布其有大事則聚群官詳議定之服色
尚畫素婦人辮髮繞頭以新綵及珠爲飾婚嫁禮唯酒食
而已輕重隨貧富死有棺歛葬送起墳陵王及父母妻子
喪居服一年田甚良沃水陸兼種其五穀果菜鳥獸物產
略與華同大業以來歲遣朝貢

唐書曰新羅王所居曰金城周七八里衛兵三千人設師
子隊文武官凡有十七等武德四年其王金眞平遣使朝
貢高祖遣使賜以璽書及畫屏風錦綵自此朝貢不絕其
食器川柳箱亦以銅及瓦國多金朴兩姓異姓不爲婚
又曰貞觀五年新羅遣使獻女樂二人皆鬢髮美色太宗
謂侍臣曰朕聞聲色之娛不如好德且山川阻遠懷土可

知近日林邑獻白鸚鵡尚解思鄉訴請還國鳥猶如此況人情乎但愍其遠來思戀親戚耳付使者聽其還家

又曰新羅王金真平安卒無子立其女善德爲王貞觀九年遣使冊命善德爲樂浪郡王新羅王十七年遣使上言高麗百濟累相攻襲亡失數十城兩國連兵意在滅臣社稷謹遣陪臣歸命大國乞偏師救助後太宗將親伐高麗詔新羅纂集士馬應接大軍新羅遣大臣領兵五萬入高麗南界攻水口城降之

又曰新羅王善德卒立其妹真德爲王貞觀二十二年真德遣其弟國相伊贊千金春秋及其子文正來朝春秋請詣國學觀釋奠及講論太宗因賜以所製溫湯及晉祠碑并新撰晉書將歸國

又曰永徽元年新羅王真德大破百濟之衆遣其弟子法

敏以聞真德乃織錦作五言太平頌以獻其詞曰大唐開洪業巍巍皇猷昌止戈戎衣定修文繼百王統天崇兩施理物體含章深仁偕日月撫運邁陶唐幡旗何赫赫征鼓何鏗鏗外夷違命者剪覆被天殃淳風凝幽顯遐邇兢呈祥四時和玉燭七耀巡萬方維岳降宰輔帝任忠與良五三成一德昭我家大唐帝嘉之拜法敏爲太府卿

又曰永徽六年百濟與高麗靺鞨率兵侵新羅北界其王春秋遣使上表求救顯慶五年命左武衛大將軍蘇定方爲熊津道大摠管統水陸十萬仍令春秋爲嶠夷道行軍摠管與定方討平百濟俘其王扶餘義慈來獻自是新羅漸有高麗百濟之地其界益大西至于海

又曰龍朔三年詔以新羅國爲雞林州都督府授其王金法敏爲雞林都督法敏卒其子政明嗣位垂拱二年遣使

太平御覽 卷七百八十一
來朝因請唐禮一部并雜文章則天令寫吉凶要禮并於
文館詞林採其詞涉規誡者勒成五十卷以賜之
又曰開元二十五年新羅王興光卒玄宗遣左贊善大夫
邢壽往吊祭并冊其子承慶爲新羅王壽將發上製詩序
太子以下及百寮咸賦詩以送之謂壽曰新羅號君子之
國頗知書記有類中華以卿涉學善於講論故選充此使
到彼宜闡揚經典使知大國儒教之盛又聞其人多善奕
碁亦令善碁人率府兵曹楊李膺爲之副壽等至彼大爲
蕃人所敬其國碁者皆季膺之下於是厚賂壽等金寶及
藥物

又曰大曆七年新羅王金乾運遣使金標石來賀正八年
又遣使獻金銀牛黃魚牙紉朝霞綉等
又曰元和三年新羅王金重興遣使金力奇來朝力奇上

言貞元十六年奉詔冊臣故主金俊邕爲新羅王母申氏
爲大妃妻祁氏爲王妃冊使韋丹至中路而知俊邕薨其
冊却迴在中書省今臣還國伏請授臣以歸勅金俊邕等
冊宜令鴻臚寺於中書省受領至寺宣授與金力奇令奉
歸國仍賜其叔彥昇門戟令本國准例給與

太平御覽卷第七百八十一

而着之並以丹朱坊身說文曰坊塵也音蒲頓切如中國之用粉也有城柵屋宇父母兄弟異處唯會同男女無別飲食以手而用籩豆俗皆徒跣以躡踞爲恭敬其人性嗜酒多壽考至百餘歲者甚衆國多女子大人皆有四五妻其餘或兩或三女人不淫不妬又俗不盜竊少爭訟犯法者沒其妻子重者滅其門族其死者停喪十餘日家人哭泣不進酒食而等類就歌舞爲樂灼骨以爲卜用決吉凶行來渡海令一人不櫛沐不食肉不近婦人名曰持衰若在塗吉利則雇以財物如病疾遭害以爲持衰不謹便共殺之

魏志曰倭國在帶方東南大海中依山島爲國舊百餘小國漢時有朝見者今使譯所通共三十國從帶方至倭國海岸水行歷韓國從乍南乍東到其北岸狗耶韓國七千餘里至對馬國千餘里其大宮曰卑狗副曰卑奴母離所

居絕島方四百餘里地多山林無良田食海物自活乘船南北市糴又南渡一海一千里名曰瀚海至一大國置宮與對馬同地方三百里多竹木叢林有三千許家亦有田地耕田不足食方行市糴又渡海千餘里至未盧國戶四千濱山海居人善捕魚水無深淺皆能沈沒取之東南陸行五百里到伊都國官曰爾支副曰泄謨觚柄渠觚有千餘戶世有王皆統屬女王帶方使往來常止住又東南至奴國百里置官曰兒馬觚副曰卑奴母離有二萬餘戶又東行百里至不彌國戶千餘置官曰多模副曰卑奴母離又南水行二十日至於投馬國戶五萬置官曰彌彌副曰彌彌那利又南水行十日陸行一月至耶馬臺國戶七萬女王之所都其置官曰伊支馬次曰彌馬叔次曰彌馬獲支次曰奴佳鞮其屬小國有二十一皆統之女王之南又

有狗奴國男子爲王其官曰狗石智卑狗者不屬女王也
自帶方至女國萬二千餘里其俗男子無大小皆黥面文
身聞其舊語自謂太伯之後又云自上古以來其使詣中
國草傳辭說事或蹲或跪兩手據地謂之恭敬其呼應聲
曰噫噫如然審矣
又曰倭國本以男子爲王漢靈帝光和中倭國亂相攻伐
無定乃立一女子爲王名卑彌呼事鬼道能惑衆自謂年
已長大無夫婿有男弟佐治國以婢千人自侍唯有男子
一人給飲食傳辭出入其居處宮室樓觀城柵守衛嚴峻
景初三年公孫淵死倭女王遣大夫難升米等言帶方郡
求詣天子朝見太守劉夏送詣京師難升米致所獻男生
口四人女生口六人班布二疋詔書賜以雜錦采七種五
尺刀二口銅鏡百枚真珠鉸丹之屬付使還又封下倭王

印綬女王死大作冢殉葬者百餘人更立男王國中不伏
更相殺數千人於是復更立卑彌呼宗女臺舉年十二爲
王國中遂定其倭國之東渡海千里復有國皆倭種也又
有侏儒國在其南人長三四尺去倭國四千餘里又有裸
國墨齒國復在其南船行可一年至
南史曰倭國風俗不淫男女皆露髻富貴者以錦綉雜采
爲帽似中國胡公頭晉安帝時有倭王讚遣使朝貢宋武
帝永初二年詔曰倭王讚遠誠宜甄可賜除授文帝元嘉
二年讚又遣使奉表獻方物讚死弟琮立遣使貢獻自稱
使持節都督倭百濟新羅任那秦韓慕韓六國諸軍事安
東大將軍倭國王詔除安東將軍倭國王琮又求除正倭
洧等十三人平西征虜冠軍號詔並聽之自此朝貢不絕
至順帝昇明二年倭王武遣使上表言自昔祖禰躬擐甲

胃跋涉山川不遑寧處東征毛人五十五國西服衆夷六十六國陵平海北九十五國王道融泰廓土遐畿累葉朝宗不愆于歲道過百濟裝飾船舫而剗麗無道圖欲見吞臣亡考濟方欲大舉奄喪父兄使垂成之功不獲一簣今欲練兵申父兄之志竊自假開府儀同三司其餘咸各假授以勸忠節詔除武使持節督倭新羅任那加羅秦韓六國諸軍事安東大將軍倭國王至齊建元中及梁武帝時並來朝貢

北史曰隋開皇二十年倭王姓阿每字多利思比孤號阿鞏雞彌遣使詣闕上令所司訪其風俗使者言倭王以天爲兄以日爲弟天明時出聽政脚踏坐日出便停理務云委我弟文帝曰此大無義理於是訓令改之王妻姓雞彌沒官有女六七百人名太子爲利歌彌多弗利

又曰倭國內官有十二等一曰大德次小德次大仁次小仁次大義次小義次大禮次小禮次大智次小智次大信次小信負無定數有軍尼一百二十八猶中國牧宰八十戶置一伊尼翼如今里長也十伊尼翼屬一軍尼

又曰倭國男子服飾衣裙襦其袖微小履如屨形漆其上繫之脚人庶多跣足不得用金銀爲飭故時衣橫幅結束相連而無縫頭亦無冠但垂髮於兩耳上至隋時王始制冠以錦綵爲之以金銀鏤花爲飭婦人束髮於後亦衣裙襦裳皆有襪織竹聚以爲梳編草爲薦雜皮爲表緣以雜文皮

又曰倭國兵有弓矢積斧漆皮爲甲骨爲矢鏑雖有兵無征戰其王朝會必陳設儀仗其國樂戶可十萬俗殺人強盜及姦皆死盜者計贓酬物無財者沒身爲奴自餘輕重

或流或杖每訊寃獄不承引者以木壓膝或置小石於沸湯中令所辯者探之云理曲者卽手爛或置蛇囊中令取之云曲者卽螫手人頗恬靜罕爭訟少盜賊樂有瓦弦琴笛男女多黥面文身沒水捕魚無文字唯刻木結繩後於百濟求得佛經始有文字知卜筮九信巫覡每至正月一日必射戲飲酒其餘節略與華同好棊博握槊樗蒲之戲氣候溫暖草木冬青土地膏腴水多陸少以小環挂鷓鴣頂令人水捕魚日得百餘頭俗無盤俎藉以解葉性質直有雅風女多男少女婚嫁不取同姓男女相悅者卽爲婚婦入夫家必先跨火乃與夫相見婦人不淫妬死者歛以棺殮親賓就屍者歌舞妻子兄弟以白布製服貴人三年殯庶人卜日而瘞及葬置屍船上陸地牽之或以小輿又曰倭國有阿蘇山其石無故火起接天者俗以爲異因

行禱祭有如意寶珠其色青大如雞卵夜則有光新羅百濟皆以倭爲大國多珍物並仰之相通使往來又曰隋大業三年倭國王多利思比孤遣朝貢使者日開海西菩薩天子重興佛法國書曰日出處天子致書日沒處天子無恙云云帝覽不悅謂鴻臚卿曰蠻夷書有無禮者勿復以聞明年上遣文林郎裴世清使倭國王遣小德何輩臺從數百人設儀仗鳴鼓角來迎後十日又遣大禮歌多毗從三百餘騎郊勞旣至彼都其王與世清來貢方物此後遂絕唐書曰倭國土風頗類新羅貞觀五年遣使獻方物太宗矜其道遠勅所司無令歲貢又遣新州刺史高表仁持節往撫之表本無綏遠之才與王子爭禮不宜朝命而還至二十二年又附新羅奉表以通起居

唐書曰日本國者倭國之別種也以其國在日邊故以日本爲名或云倭國自惡其名不雅改爲日本或云日本舊小國併倭國之地其人入朝者多自矜大不以實對故中國疑焉又云其國界東西南北皆數千里西界南界咸至大海東界北界有大山爲限山外卽毛人之國長安三年其大臣朝臣真人來貢方物朝臣真人者猶中國戶部尚書兪進德冠其頂爲花分而四散身服紫袍以帛爲腰帶真人好讀經史解屬文容止溫雅則天宴之於麟德殿授司膳卿放還本國

又曰開元初日本國遣使來朝因請儒士授經詔四門助教趙玄默就鴻臚寺教之乃遺玄默闊幅布以爲束脩之禮題云白龜元年調布人亦疑其僞爲此題所得錫賚盡

市文籍泛海而還其偏使朝臣仲滿慕中國之風因留不去改姓名爲朝衡仕歷左補闕儀王友衡留京師五十年好書籍放歸鄉逗留不去

又曰貞元二十一年日本國遣使來朝留學生橘免勢學問僧空海元和元年朝貢使判官高階真人上言前任學生藝業稍成願歸本國便請與臣同歸從之開成四年又遣使朝貢○南海經曰南倭北倭屬倭國在帶方東大海中以女爲王其俗零結衣服無針功以丹朱塗身不妬忌一男子數十婦

紵嶼人

外國記曰周詳汎海落紵嶼上多紵有三千餘家云是徐福僮男之後風俗似吳人

蝦夷國

唐書曰蝦夷國海島中小國也其使鬚長四尺九善弓矢

插箭於首令人戴觚而立數十步射之無不中者明慶四年十月隨倭國使入朝

太平御覽卷第七百八十二

插箭於首令人戴觚而立數十步射之無不中者明慶四年十月隨倭國使入朝

太平御覽卷第七百八十三

四夷部四 東夷四 高句驪

范曄後漢書曰高句驪國節於飲食而好治宮室其俗淫皆潔淨自喜夜輒男女群聚為倡樂

魏略曰高句驪國在遼東之東千里其王都於丸都之下地方二千里戶三萬多山林無源澤其國貧儉土著為宮室宗廟祠靈星社稷其俗凶急喜寇抄其國置官有相加對盧沛者古鄒加尊卑各有等本指奴部為王稍微弱今桂婁部代之大家不出作下戶給賦稅如奴俗好歌舞其人自喜跪拜申一脚與夫餘異行步皆走又以十月會祭天名曰東盟有軍事亦祭天殺牛觀蹄以占吉凶加着幘

如情無後其小加着折風形如弁無牢獄有罪者卽會諸
加評議便殺之沒入妻子爲奴婢盜一責十二婚姻之法
女家作小屋於大屋之後名爲婿屋婿暮至女家戶外自
名跪拜乞得就女宿女家聽之至生子乃將婦歸其俗淫
多相奔誘其死葬有槨無棺停喪百日好厚葬積石爲封
列種松柏兒死亦報嫂俗有氣力便弓矢刀予有鎧習戰
又有小水猶俗出好弓其馬小便登山夫餘不能臣也沃
沮東獫狁皆屬之其國都依大水而居王莽時發句驪以伐
胡不欲行亡出塞爲寇害奔更名爲下句驪
後魏書曰高句驪者出於夫餘自言先祖朱蒙母河伯女
夫餘王閉於室中爲日所照引身避之日影又逐旣而有
孕生一卵大如五升夫餘王弃之與豕豕不食弃之於路
牛馬避之又弃之野衆鳥以毛茹之夫餘王剖之不能破

遂還其母其母以物裹之置於暖處有一男破殼而出及
其長也字之曰朱蒙其俗言朱蒙者善射也夫餘國人以
朱蒙非人所生將有異志請除之王不聽命之養馬朱蒙
每私試知其善惡駿者減食令瘦駑者善養令肥夫餘王
以肥者自乘以瘦者給朱蒙後狩于田以朱蒙善射射給
以一矢朱蒙雖一矢殪獸甚多夫餘之臣又謀殺之朱蒙
母陰知以告朱蒙朱蒙與鳥餘二人弃夫餘東南走中道
遇一大水欲濟無梁夫餘人追之甚急朱蒙告水曰我是
日子河伯外孫今日逃走追兵垂及如何得濟於是魚鱉
並浮爲之成橋朱蒙得度魚鱉乃解追騎不得度朱蒙至
普迹水遇見三人其一人衣着麻一人着納衣一人着水
藻衣與朱蒙至紇升骨城遂居焉號曰高句驪因以高爲
氏焉北史曰朱蒙在夫餘時其妻懷孕朱蒙逃後生子如

閭諧及長知朱蒙爲國王卽與母亡歸之名曰閭達委之
國事朱蒙死至孫莫來立乃并夫餘漢武帝元封四年滅
朝鮮置玄菟郡以高句驪爲縣以屬之漢時賜之衣饋朝
服鼓吹常從玄菟郡受之後稍驕不復詣郡但於東界築
小城受之遂名此城爲曠溝婁溝婁者句麗城名也
又曰公孫度之雄海東也高句麗伯固與之通好伯固死
伊夷摸立伊夷摸數寇遼東建安中公孫康出軍擊之大
破其國焚燒邑落伊夷摸更作新國於丸都山下
又曰高句麗伊夷摸死其子位宮立始位宮曾祖宮生而
目開能視國人惡之及長凶虐國以破殘及位宮生亦能
視人高麗呼相似爲位以爲似其曾祖宮故名位宮亦有
勇力便鞍馬善射獵魏正始中位宮寇遼西安平五年幽
州刺史毋丘儉將萬人出玄菟討位宮大戰於沸流敗走

儉追至頰峴懸車束馬登丸都山屠其所都位宮單將妻
子遂竄六年儉復討之位宮輕將諸加奔伏沃沮儉使將
軍王願追之絕沃沮千餘里到肅慎南界刻石紀功又刊
丸都山銘不耐城而還
又曰後魏太武帝時高麗王釗曾孫璉始遣使者詣安東
奉表貢方物并請國諱太武嘉其誠款詔下帝系名諱於
其國使貢外散騎侍郎李敖拜璉爲都督遼海諸軍事高
句麗王敖至其所居平壤城訪其方事云去遼東一千餘
里至柵城南至小海北至舊夫餘人戶三倍於前魏時後
貢使相尋歲致黃金二百斤白銀四百斤
又曰後魏文明太后以獻文六宮未備勅璉令薦其女璉
奉表云女已以出求以弟女應旨朝廷許焉會獻文崩乃
止

又曰後魏太和十五年薶死其孫雲立復賜以衣冠服物
車旗之飾自此歲常貢獻至大統十二年其王成遣使至
西魏朝貢及齊受東魏之禪又朝于齊文宣加成使持節
侍中驃騎大將軍高麗王如故
又曰北齊天保三年文宣至營州使博陵崔柳使于高麗
永魏末流人勅柳曰若不從者以便官從事及至不見許
柳張目叱之拳擊成墜於牀下成左右雀息不敢動乃謝
服柳以五千戶反命
又曰高句驪東至新羅西度遼二千里南接百濟北隣靺
鞨一千餘里人皆土著隨山谷而居衣布帛及皮土而薄
堵蠶農不足以自供故其人節飲食其王好脩宮室都不
壤城亦曰長安城其城隨山屈曲南臨浪水城內唯積倉
儲器備寇至方入固守王別爲宅於其側不常居之其外

復有國內城及漢城亦別都也其國中呼爲三京復有遼
東玄菟等數十城皆置官司以相統攝焉其置官有大對
盧已下凡十二等分掌內外事復有內評五部褥薩人皆
頭着折風形如弁土人加插二鳥羽貴者其冠曰蘇骨多
用紫羅爲之飾以金銀服大袖衫大口袴素皮帶黃革履
婦人裙襦加襪書有五經三史三國志晉陽秋兵器與中
國略同及春秋校獵王親臨之稅布五疋穀五石遊人則
三年一稅十人共細布一疋其刑法峻罕有犯者樂有五
鉉琴箏篳篥橫吹蕭鼓之屬吹蘆以和曲每年初聚戲浪
水上王乘腰輦列羽儀觀之事畢王以衣入水分爲左右
二部以水石相濺擲誼呼馳逐再三而止性多詭伏言辭
鄙穢不簡親疎父子同川浴共室寢好歌舞常以十月祭
天其公會衣服皆錦繡金銀以爲飾好蹲踞食用俎豆出

三尺馬云本朱蒙所乘馬種即果下也風俗尚淫不以爲
愧俗多遊女夫無常人夜則男女群聚而戲無有貴賤之
節有婚嫁取男女相悅卽爲之男家送猪酒而已無財聘
之禮或有受財者人共耻之以爲賣婢死者殯在屋內殯
三年擇吉日而葬居父母及夫喪皆三年兄弟三月初終
哭泣葬則鼓舞作樂以送之埋訖取死者生時翫好車馬
置墓側會葬者爭取而去
又曰隋開皇中高麗王元率靺鞨萬餘騎寇遼東西營州
揔管韋世冲擊走之帝大怒命漢王諒爲元帥揔水陸討
之下詔黜其爵位元亦惶懼遣使謝罪上表稱遼東糞土
臣元云云上於是罷兵待之如初元亦歲遣朝貢煬帝嗣
位天下全盛高昌王突厥啓人可汗並親詣闕貢獻於是
徵元入朝元懼蕃禮頗闕大業七年帝將討元罪車駕度

遼水止營於遼東又勅諸將高麗若降卽宜撫納不得縱
兵入城城將陷賊輒言降諸將奉旨不敢赴機每先馳奏
此報賊守禦亦備復出拒戰如此者三帝不悟由是食盡
師老轉輸不繼諸軍多敗績於是班師
又曰隋大業九年煬帝復親征高麗勅諸軍以便宜從事
諸將分道攻城賊勢日蹙會楊玄惑作亂帝大懼卽日六
軍並還十年發天下兵會賊盜蜂起所在阻絕軍多失期
至遼水高麗亦困弊遣使乞降帝許之頓懷遠鎮受其降
仍以俘囚軍實歸至京師
南史曰高麗本有五族有消奴部絕奴部慎奴部灌奴部
桂婁部本消奴部爲王微弱桂婁部代之其置官有對盧
則不置沛者有沛者則不置對盧焉晉安帝義熙九年高
麗奉表獻赭白馬宋元嘉十五年馮安爲魏所攻敗奔高

麗北豐城表求迎接文帝遣使王白駒通次興迎之并令高麗資遣璉不欲弘南乃遣將孫漱高仇等襲殺之白駒等率所領七千餘人入擒漱殺仇等二人十六年文帝欲侵魏詔璉獻馬八疋大明二年又獻肅慎矢及楛矢石砮歷齊梁並授爵位遣使奉表獻方物不絕唐書曰高麗者出自扶餘之別種其國都於平壤城卽漢樂浪郡之故地在京師東五千一百里其官大者號大對盧比一品摠知國事三年一代若稱職者不拘年限交替之日或不相祗服皆勒兵相攻勝者爲之其王但閉宮自守不能制禦次日太兄比正二品對盧以下官摠十二級外置州縣六十餘城大城置儔薩一人比都督諸城置道使比刺史其下各有僚佐分掌曹事衣裳服飾唯王五綵以白羅爲冠白皮小帶其冠及帶咸以金飾官之貴者

則青羅爲冠次以緋羅插二鳥羽及金銀爲飾衫筒袖袴大口白韋帶黃革履國人衣褐戴弁婦人首加巾幘好圍碁投壺之戲人能蹙鞠食川籩豆簠簋罇俎蠶洗頗有箕子之遺風其所居必依山谷皆以茅草葺舍唯佛寺神廟及王官官府乃用瓦其俗貧窶者多冬月皆作長坑下燃火煨以取煖種田養蠶略同中國城東有大穴名隧神皆以十月王自祭之俗愛書籍至於衡門廡養之家各於街衢造大屋謂之局堂子弟未婚之前晝夜於此讀書習射又曰武德二年高麗王建武遣使來朝四年又遣使朝貢高祖惑隋末戰士多陷其地五年賜建武書云在此所有高麗人等已令追括尋卽遣送彼處有此國人者立可放還務盡緩育之方共弘仁恕之道於是建武悉搜括華人以禮賓送前後至者萬數高祖大喜七年遣使往冊建武

爲上柱國遼東郡王高麗王仍將天尊像及道士往彼爲之譜老子其王及道俗等觀聽者數千人貞觀二年破突厥頡利可汗建武遣使奉賀并上封域圖五年詔遣廣州都督府司馬長孫帥往收瘞隨時戰亡骸骨毀高麗所立京觀
又曰貞觀十六年高麗西部大人蓋蘇文有罪其王建武議欲誅之蘇文乃召部兵於城南云將校閱諸大臣皆來臨視蘇文勒兵盡殺之因馳入王宮殺建武立其弟大陽子藏爲王自立爲吳離支猶中國兵部尚書兼中書令之職也自是專國政蘇文姓泉氏鬚面甚偉形體魁傑身佩五刃左右莫敢仰視恒令其屬官俯伏於地踐之上馬下亦如之出必先布隊仗導者長呼以辟行人百姓畏避皆自投坑谷太宗聞之遂出師弔伐十九年命刑部尚書張

亮爲平壤道行軍大總管領將常何等率江淮嶺硤勁卒四萬戰船五百艘自萊州汎海趨平壤又以英國公李勣爲遼東道行軍大總管江夏王道宗爲副率步騎六萬趨遼東兩軍合勢太宗親御大軍以會之夏四月李勣軍渡遼進攻蓋牟城拔之以其城置蓋州五月渡遼水詔徹橋梁以堅士卒志帝旣至遼東城下見士卒負擔以填壘者帝分其尤重者於馬上載之從官懷動爭資以送城下高麗聞我有拋車飛三百斤石於一里之外者甚懼之乃於城上積木爲戰樓以拒飛石勣列車發石以擊其賊所遇盡潰又推撞車撞其樓閣無不傾倒拔其城爲遼州初帝自定州命每數十里置一烽屬于遼城與太子約尅遼東當舉烽是日帝命舉烽師次白崖城右衛大將軍李思摩中弩矢帝親爲吮血將士聞之莫不感勵城主孫伐音遂

乞降以其城置巖州授伐音爲刺史我軍之渡遼也莫離
支遣加尸城七百人戍蓋牟城李勣盡虜之其人並請隨
軍自効太宗謂曰誰不欲爾之力爾家悉在加尸爾爲吾
戰彼將爲戮矣破一家之妻子取一人之力用吾不忍也
悉令放還車駕進次安市城高麗北部僭薩高延壽南部
高惠真率高麗靺鞨之衆十五萬來救引軍直進太宗夜
召諸將躬自指麾因令所司張受降幕於朝堂之側曰明
日午時納降虜於此矣遂率軍而進至時果敗二師之衆
太宗因按轡觀城營壘謂侍臣曰高麗傾國而來存亡所
繫一麾而敗天祐我也因下馬再拜以謝天名所幸由爲
駐蹕山令中書侍郎許敬宗爲文勒石以紀其功八月移
營安市城東李勣等攻之不拔乃詔班師初攻陷遼東城
其中應沒爲奴婢者一萬四千人並遣集幽州將分賞將

士太宗愍其父母妻子一朝分散令有司准其直以布帛
贖之赦爲百姓其衆歡叫之聲三日不息

又曰貞觀二十年高麗遣使來謝罪并獻二美女太宗謂
其使曰歸謂爾主美色者人之所重爾之所獻信爲美麗
憫其離父母兄弟於本國留其身而忘其親愛其色而傷
其心我不取也並還之

又曰乾封元年高麗遣其子入朝陪位於太山之下其年
蓋蘇文死其子男生代爲其離支與弟男建男產不睦爲
其所逐走據國內城使其子獻城詣闕求哀十一月命英
國公李勣率郭待封等以征之二年二月勣至新城謂諸
將曰新城是高麗西境鎮城最爲要害若不先圖餘未易
可下遂引兵於城西南據山築柵且攻且守城中窘急數
有降者自此所向克捷高藏及男建將首領九十八人持

帛幡出降講使入朝勸以禮延接男建猶閉門固守十一月拔平壤城虜高藏男建等至京師獻俘于含元宮乃分其地置都督府九州四十二縣一百又置安東都護府以統之擢其酋渠有功者授都督刺史及縣令與華人參理仍遣左武衛將軍薛仁貴摠兵鎮之自是高氏君長遂絕

太平御覽卷第七百八十三

其地置都督府九州四十二縣一百又置安東都護府以統之擢其酋渠有功者授都督刺史及縣令與華人參理仍遣左武衛將軍薛仁貴摠兵鎮之自是高氏君長遂絕

太平御覽卷第七百八十四

四夷部五

東夷五

豆莫婁

勿吉

文身

豆莫婁

後魏書曰豆莫婁國在勿吉國北千里去洛陽六千里舊北夫餘也

沃沮

范曄後漢書曰東沃沮人性質直強勇便持矛步戰

魏志曰東沃沮在高句驪蓋馬大山之東濱大海而居無大君王世有邑長其言語與句麗大同時時小異漢初

沃沮

扶桑

大漢

肅慎

女國

流求

燕亡人衛滿王朝鮮時沃沮皆屬焉元封二年伐朝鮮分其地爲四郡以沃沮爲玄菟郡後爲夷貊所侵還屬樂浪今諸邑落渠帥稱三老臣句驪置其中大人爲主又置大加以統之稅其貂布食物美女婢妾其土肥美背山向海宜五穀人性質直少牛馬使持刀矛其國俗制度大較似句驪其嫁娶之法女年十歲已相許男家迎之長養以爲婦至成人更還女家責錢畢乃復還男其葬送之法大木槨長十餘丈開一頭作戶新死皆假埋之須肌肉盡聚置槨中舉家皆共一槨刻木如生隨死者爲數又爲瓦鬲置米其中編懸之於槨戶邊

後漢書曰北沃沮人言海中有女國無男人或傳其國有神井闕之輒生子云

魏志曰北沃沮一各置溝婁去南沃沮八百里其俗南北

皆同與挹婁接喜乘船寇抄沃沮畏之夏日恒在山上長深穴中爲守備冬月冰凍船道不通乃下居村落其耆老言國人嘗乘船捕魚遭風見吹數十日東得一島其上有入言語不可曉其俗常以七月取童女沈海又言一國亦在海中純女無男又得一布衣其兩袖長二丈又得一破瓶在岸邊有一人項中復有面與語不相曉不食而死

肅慎

書曰成王既伐東夷肅慎來賀海東諸夷武王克商皆通道馬成王卽政而叛臣征而服之故肅慎來相賀王俾榮伯作賄肅慎之命王便榮伯爲命書以幣賄賜肅慎之

後漢書曰挹婁古肅慎之國也在夫餘東北千餘里東濱大海南與北沃沮接不知其北所極土地多山險車馬不通人形似夫餘而言各有異有五穀麻布出赤玉好貂謂

挹婁無君長其邑各有大人處於山林之間上氣極寒常
為穴居以深為貴大家至接九梯好養豕食其肉衣其皮
冬以豕膏塗身厚數分以禦風寒夏則裸以尺布蔽其前
後其人臭穢不潔作廁於中園之而居自漢興已後臣屬
夫餘種衆雖少而多勇力處山嶮又善射發能入人目弓
長四尺力如弩矢用楛長一尺八寸青石為鏃鏃皆施毒
中人即死便乘舡好寇盜隣國畏患而卒不能服夷夷夫
餘飲食類此皆用俎豆唯挹婁獨無法俗最無綱紀魏志所載

山海經曰不咸出在肅慎國有樹名雄先人代帝於此取

依其谷無衣中國有聖帝代立者則此木皮可衣

家語曰孔子在陳惠公賔之於上館時有隼集於陳侯之
庭而死楛矢貫之石弩楛木名弩箭鏃其長尺有咫惠公便以隼

如孔子之館問焉子曰隼之來遠矣此肅慎氏之矢也其事

博物部

肅慎國記曰肅慎氏其地在夫餘國北可六十日行東濱
大海夏則巢居冬則穴處父子世為君長無文墨以言語
為約其畜有馬猪牛羊不知乘馬以為財產而已猪放山
谷中食其肉坐其皮續猪毛以為布無井竈人作瓦鬪四
五升以食坐則箕踞足挾肉而啖之得凍肉坐其上令煖
土地無鹽燒木作灰灌取汁食之俗皆編髮以布作袴經
徑尺餘以蔽前嫁娶之法男以毛羽插女頭女和則持歸
然後致禮娉之婦貞而女淫貴壯賤老寡居終身不嫁性
凶悍以無憂喪相尚父母死男子不哭哭者謂之不壯相
盜賊物無多少盡誅殺之雖野處而不相犯死者即日便
葬於野交木作小槲殺猪積槲上富室數百貧者數十以

爲死者之糧以土覆之以繩繫於柳頭出土上以酒灌酌
纜繩腐而止無時祭祀也其槽弓三尺五寸括矢長尺有
咫石罌皮骨甲石山在國東北取之必先祈神石利入鐵

勿吉

後魏書曰勿吉國在高句驪北舊肅慎國也去洛五千里
國有大水闊三里餘名速水速末水其地下濕無牛有車
馬佃則偶耕車則步推有粟及麥稌音菜則有葵水氣鹹
凝鹽生樹上亦有鹽池多猪無羊嚼米醞酒飲之能醉婦
人則布裙男子猪犬皮裘婚之夕男就女家執女乳而罷
便以爲定仍爲夫婦俗以人溺洗手面頭插虎豹尾其父
母春夏死立埋之冢上作屋不令雨濕若秋冬死以其尸
哺貂食其肉多得之國南有從太山魏言太白有虎豹熊
狼不害人其傍有大莫盧覆鍾國莫多廻國庫婁國素和

國具伏弗國匹犁余國拔大何國都羽陵國庫伏眞國魯
婁羽眞侯國前後各遣朝獻

北史曰勿吉國在高句麗北一日靺鞨邑落各自有長不
相認一其人勁捍於東夷最强言語獨異常輕豆莫婁等
國諸國亦患之去洛陽五千里自和龍北二百餘里有善
玉山山北行十三日至祁黎山又北行七日至洛懷水水
廣里餘又北行十五日至太岳魯水又東北行十八日到
其國其部類凡有七種一號栗末部與高麗接勝兵數千
多驍武每寇高麗其二曰伯咄部在栗末北勝兵七千其
三曰安車骨部在伯咄東北其四曰拂涅部在伯咄東其
五曰號室部在拂涅東其六曰黑水部在安車骨西北其
七曰白山部在栗末東南勝兵並不過三千而黑水部尤
爲勁健自拂涅以東矢皆石鏃即古肅慎氏也東夷中爲

強國所居多依山水渠帥曰大莫弗瞞母官咄國南有從
太山者俗甚勦畏之人不得山上渡汗行經山者以物盛
去地卑濕築土如堤鑿穴以居開口向上以梯出入其妻
有外淫者人告其夫夫輒殺妻而後悔必殺告者由是奸
淫事終不敢發人皆善射以射獵爲業角弓長三尺箭長
尺二寸常以七八月造毒藥傳矢以射禽獸中者立死煮
毒藥氣亦能殺人
又曰延興中勿吉國遣乙力支朝獻大和初又貢馬五百
疋乙力支稱初發其國乘舩溯灘河西上至太沱河沉船
於水南出陸行度洛孤水從契丹西界達和龍自云其國
先破高句麗十落密共百濟謀從水道并力取高麗遣乙
力支奉使大國謀其可否詔勅三國同是藩附宜共和順
勿相侵擾乙力支乃還從其來道取得本舩汎達其國

隋書曰開皇初勿吉國相率遣使貢獻文帝詔其使曰朕
聞彼土人勇今來實副朕懷視尔等如子尔等且勦朕如
父對曰臣等僻處一方聞內國有聖人故來朝拜既親奉
聖顏願長爲奴僕其國西北與契丹接每相劫掠後因其
使來文帝誠之使勿相攻擊使者謝罪帝因厚勞之令宴
飲於前使者與其徒皆起舞其曲折多戰鬪容上願謂侍
臣曰天地間乃有此物常得用兵意然其國與隋懸隔唯
粟末白山爲近煬帝初與高麗戰頻敗其衆渠帥突地稽
率其部降拜右光祿大夫居之柳城與邊人來往悅中國
風俗請被冠帶帝嘉之賜以錦綺而褒寵之及遼東之役
突地稽率其徒以從每有戰功賞賜甚厚

扶桑國

南史曰扶桑國者齊永平元年其國有沙門慧深來至荆

州說云扶桑在大漢國東二萬餘里地在中國之東其土多扶桑木故以爲名扶桑葉似桐初生如筍國人食之實如梨而赤績其皮爲布以爲衣亦以爲錦作板屋無城郭有文字以扶桑皮爲紙無兵甲不攻戰其國法有南北獄若有犯輕罪者入南獄重罪者入北獄有赦則放南獄不赦北獄在北獄者男女相配生男八歲爲奴生女九歲爲婢犯罪之身至死不出貴人有罪國人大會坐罪人於坑對之宴飲分訣若死別焉以灰繞之其一重則一身屏退二重則及子孫三重者則及七世名國王爲乙祁貴人第一者對盧第二者小對盧第三爲納咄沙國主行有鼓角導從其衣色隨年改易甲乙年青景丁年赤戊己年黃庚辛年白壬癸年黑有牛角甚長以角載物至勝二十斛有馬車牛車鹿車國人養鹿如中國畜牛以乳爲酪有赤梨

經年不壞多蒲桃其地無鐵有銅不貴金銀市無租估其婚姻法婿往女家門外作屋晨夕灑掃經年而女不悅即驅之相悅乃成婚婚禮人抵與中國同親喪七日不食祖父母喪五日不食兄弟伯叔姑姊妹三日不食設坐爲神像朝夕拜奠不制衰經嗣王立三年不親國事其俗舊無佛法宋大明二年蜀賓國常有比丘五人游行其國始通佛法經教焉

女國

南史曰沙門惠深云女國在扶桑東千里其人容貌端正色甚潔白身體存毛髮長委地至二三月剪入水妊娠六七月產子女人曾前無乳項後生毛根白毛中有汗似乳子百日能行三四年則成人矣兒見人驚避偏畏丈夫食鹹草如禽獸鹹草葉似邪蒿而氣味鹹

文身

南史曰文身國在倭國東北七千餘里人體有文如獸其額上有三文文直貴文小曲者賤土俗歡樂物豐而賤行客不齎糧有屋宇無城郭國王所居飾以金銀珠麗遠屋為塹廣一丈實以水銀雨則流于水銀之上市用珍寶

大漢

南史曰漢國在文身國東五千餘里無兵戈不戰伐風俗並與文身國同而言語異

流求

隋書曰流求國居海島之間當建安郡東水行五日而至閩川之東也土多出銅其王姓歡斯名渴刺兜不知其由來有國代數也彼土人呼之為可老羊妻日多使茶所居曰波羅檀洞塹柵三重環以流水樹棘為藩王所居舍其大十

六間彫刻禽獸多闕鏤樹似桐而葉蜜條纖如髮紛然下垂國有四五帥統諸洞洞有小王往往有村村有鳥了帥並以善戰者為之自相樹立理一村之事男女皆以白紵纏髮從頭盤繞婦人以羅紋白布為帽織鬪鏤皮并雜色紵及雜毛以為衣製裁不一織藤為笠飾以毛羽兵有刀稍弓箭劍鉞之屬編紵為甲或以熊豹之皮王乘木獸令人輦之而行導從不過數十人國人好相攻擊人皆驍健善走難死而耐創諸洞各為部隊不相救助兩陣相當勇者三五人相擊射如棋不勝一軍皆走遣人致謝即其和解收取鬪死者共聚而食之食皆用手無賦歛有事則均稅俗無文字視月虧盈以紀時節候草枯以為年歲人深目長鼻頗類於胡人縱年老髮多不白無君臣上下之節拜伏之禮父子同牀而寢婦人產乳必食子衣以槽曝海

水爲鹽水汁爲醋釀米麴爲酒遇得異味先進尊者凡有
宴會執酒者必待呼名而後飲上王者酒亦呼王名銜盃
同飲頗同突厥歌呼躡蹄一人唱衆皆和音韻哀怨其死
者氣將絕舉至庭浴其屍以布帛纏之裹以韋草觀土而
殯土不起墳爲子者數月不食肉有熊羆豺狼尤多猪鷄
無牛羊驪馬厥田良沃先以火燒而引水灌之持一插以
石爲刃長尺餘闊數寸而墾之宜播種樹木同江表氣候
與嶺南相類俗事山海之神祀以酒肴鬪戰殺人便將所
殺人祭其神煬帝大業初海師何蠻等每春秋二時天清
風靜東向依稀似有煙霧之氣亦不知幾千里二年帝令
羽騎尉朱寬入海求訪異俗何蠻言之遂與蠻俱往因到
流求國言語不相通掠一人并取其甲而還時倭國使來
朝貢見之曰此夷邪久國人所用也帝遣武賁郎將陳稜

朝請大夫張鎮同率兵自義安浮海擊之至流求初稜將
南方諸國人從軍有崑崙人頗解其語遣人慰諭之流求
不從拒逆官軍稜擊走之進至其都頻戰皆敗毀其宮室
虜其男女數千人而還

太平御覽卷第七百八十四

太平御覽卷第七百八十五
 大王之千歲季烈武壽
 四夷部六
 南蠻二百里蠻
 敘南蠻
 越裳國
 黃支國
 板楯蠻
 不火食者矣
 刻其肌

太平御覽卷第七百八十五

四夷部六

南蠻二百里蠻

敘南蠻

越裳國

黃支國

板楯蠻

不火食者矣

刻其肌

禮記王制曰南方曰蠻

以丹青涅之交距足相鄉

不火食地氣暖不為病

傳曰唐人率群蠻以叛楚

選將伐楚

文曰楚子聞蠻氏之亂也

戎蠻子嘉殺之遂取蠻氏

又曰王子朝使告于諸侯曰茲不穀震蕩播越竄在荆蠻

未有攸底荆蠻動也蠻荆

詩曰蠢爾蠻荆大邦為讎蠻荆之蠻也

又曰脩爾車馬弓矢戎兵用戒戎作用邊蠻方蠻方蠻荆之外也此

又曰保有鳧繹遂荒徐宅至于海邦淮夷蠻貊及彼南夷

莫不率從

尚書舜典曰柔遠能通惇德允元而難任人蠻夷率服帝

曰臯陶蠻夷猾夏寇賊姦宄猾亂也夏華夏也蠻行攻切

內曰宄言無教所致也

又禹貢曰三百里蠻以文德來之不制以法

論語日子張問行子曰言忠信行篤敬雖蠻貊之邦行矣

史記曰吳太伯弟仲雍皆周大王之子避季歷乃犇荆蠻

漢書曰賈誼上書云凡天子者天下之首何也上也蠻夷

者天下之足何也下也

世說曰郝隆為桓温南蠻參軍三月三日就温席作詩曰

娥隅躍清池温問何物荅曰蠻名魚為娥隅曰桓何為作

蠻語隆曰千里投公始得一蠻府參軍那得不作蠻語

越裳國

尚書大傳曰交趾之南有越裳國周公居攝六年制禮作

樂天下和平越裳以三象重譯而獻白雉曰道路悠遠山

川阻深恐使不通故重譯而朝成王以歸周公曰德不加

焉則君子不饗其質質亦政不施焉則君子不臣其人吾

何以獲此賜也其使謂曰吾受命吾國之黃耆日久矣天

之無烈風淫雨意者中國有聖人乎有則盍往朝之周公

乃歸之於王稱先王之神致以薦于宗廟周德既衰於是

稍絕

黃支國

漢書曰黃支國去合浦日南三萬國俗與朱雀略同武帝時來貢且多明珠璧琉璃奇石異物大珠圍及三寸至圍者置之平地終日不得止

槃瓠

後漢書曰昔高辛氏有犬戎之寇帝患其侵暴而征伐不尅乃訪募天下有能得犬戎之將吳將軍首者購黃金千瓠邑萬家又妻以少女時帝有畜狗其毛五采名曰槃瓠下令之後槃瓠遂銜人頭造闕下羣臣恠而診視之乃吳將軍首也帝大喜乃以女配槃瓠槃瓠得女負而走南山止石室中所處險絕人跡不至於是女解去衣裳為僕鑿之髻結著獨力之衣僕鑿獨力皆未詳流俗或改鑿為堅者妄穿鑿也經三年生

子十二人六男六女槃瓠死後因自相夫妻織績木皮漆以草實好五色衣服製裁皆有尾形其衣裳班蘭語言侏離好入山壑不樂平曠帝順其意賜以名山廣澤其後滋蔓號曰蠻夷外癡內黠安土重舊以先父有功母帝之女田作賈販無關梁符傳租稅之賦有邑君長皆賜印綬冠用獺皮名渠帥曰精夫相呼為妣徒妣焉郎切說文曰今女人自稱妣我也長沙武陵蠻是也

又曰南蠻其在唐虞與之要質故曰要服夏商之時漸為邊患暨于周代黨眾弥盛故詩曰蠢爾蠻荆大邦為讎至楚武王時蠻與羅子共敗楚師殺其將屈瑕莫敢不設備故敗縊于荒于治父也楚師既振遂屬於楚及吳起相悼王南并蠻中越遂有洞庭蒼梧秦昭王使白起伐楚略取蠻夷始置黔

郡

太平御覽

卷七百八十五

七

正福

又曰漢興改秦黔中郡爲武陵歲令大人輸布一疋小口
二丈是謂賓布說文曰賓南蠻也音伴冬切雖時爲寇盜而不足爲郡
國忠光武建武二十三年武陵蠻精夫相單程等大寇郡
縣遣武威將軍劉尚發南郡長沙武陵兵萬餘人乘船泝
沅水入武谿擊之沅水出牂牁且蘭東北經靈溪長少
郡廬尚輕敵深入悉爲所沒又遣伏波將軍馬援將兵至
臨沅今武陵郡武溪擊破之單程等飢困乞降會援病卒
謁者宗均聽悉受降爲置吏以司之羣蠻遂平
又曰順帝永和初武陵太守上書以蠻夷率服可比漢人
增其租賦議者皆以爲可尚書令虞詡獨奏曰自古聖王
不臣異俗非德不能及威不能加其獸心貪婪難率以禮
是故羈縻而綏撫之附則受而不逆叛則弃而不追先帝
舊典貢稅多少所由來久矣今猥增之必有怨叛計其所

得不償所費必有後悔帝不從其冬澧中澧中蠻澧水出今澧陽
音婁果爭貢布非舊約遂殺鄉吏舉種反叛明年遣武陵
太守李進討破之斬首數百級餘皆降散
又曰延熹中長沙零陵蠻反叛寇江陵荊州刺史劉度謁
者馬睦南郡太守李肅皆奔走肅主簿胡爽扣馬首諫曰
蠻夷見郡無備故敢乘閒而進明府爲國大臣連城千
里舉旄鳴鼓應聲十萬奈何委付守之重而爲逋逃之人
平肅拔刃向爽曰掾促去太守今急何暇此計爽抱馬固
諫肅遂殺爽而走帝聞之徵肅弃市復爽門閭拜家一人
爲郎
魏略曰高辛氏有老婦居王室得耳疾挑之乃得物大如
繭婦人盛瓠中覆之以槃俄頃化爲犬其文五色因名槃
瓠

干寶晉紀曰武陵長沙郡夷槃瓠之後也雜處五服之內
憑山阻險每常爲猿雜魚肉而歸以祭槃瓠俗稱赤髓橫
裙子孫

唐書曰黃國公冊安昌者槃瓠之苗裔也世爲巴東蠻帥
與田李向鄧各分槃瓠一禮世傳其皮盛以金函四時致
祭

黃閔武陵記曰山半有槃瓠石室可容萬人中有石床槃
瓠行迹今接山窟前有石羊石獸古跡奇異尤多坐石窟
大如三間屋遙見一石仍似狗形槃瓠相傳云是槃瓠象
也

荊州記曰阮陵縣居酉口有上就武陽二鄉唯此是槃瓠
子孫狗種也二郡在武陵溪之北

廩君

後漢書曰巴郡南郡蠻本有五姓巴氏樊氏暉氏
氏鄭氏皆出於武落鍾離山在今巴夷郡陵山縣其山有赤黑二穴
巴氏之子生於赤穴四姓之子皆生黑穴未有君長俱事
鬼神乃共擲劍於石穴約能中者奉以爲君巴氏子務相
乃獨中之衆皆歎又令各乘土船約能浮者當爲君餘姓
悉沈惟務相獨浮因共立之是爲廩君乃乘土船從夷水
至鹽陽鹽水有神女謂廩君曰此地廣大魚鹽所出願留
共居廩君不許鹽神暮輒來宿且卽化爲蟲與諸蟲群飛
掩蔽日光天地晦冥積十餘日廩君思其便因射殺之天
乃開明廩君於是君乎夷城四姓皆臣之廩君死魂魄世
爲白虎巴氏以虎飲人血遂以人祠焉
又曰秦惠王并巴中以巴氏爲蠻夷君長世代尚秦女其
人爵比不更有罪得以爵除

又曰漢興南郡太守靳強奏請一依秦時故事至光武建武二十三年南郡潯山蠻雷遷等始反叛潯音寇掠百姓遣武威將軍劉尚討破之徙其種人十千餘口置江夏界中其後河中蠻是也漢之江夏郡今竟陵郡富水安陸齊安漢陽江夏郡春郡地皆是也又曰和帝永元十三年巫蠻許聖等漢之巫縣今雲安郡巫山縣也以郡收稅不均懷怨恨遂屯聚反叛荆川諸郡兵討破之復悉徙置江夏靈帝光和三年江夏蠻復反寇爲患累年廬江太守陸康討破之漢廬江郡今郡也○世本曰廩君使人操青縷以遺鹽神曰嬰此卽相宜云與女俱生弗宜將去鹽神受縷而嬰之廩君卽立陽石上望青縷而射之鹽神死天乃大開○說文曰幪南郡蠻夷布也幪音荆州圖曰夷陵縣西有溫泉古老相傳此泉元出鹽于今水有鹽氣縣西一獨山有石穴有二大石並立穴中相去

一丈俗名爲陰陽石陰石常濕陽石常燥盛弘之荆州記曰昔廩君浮夷水射鹽神于陽石之上按今施州清江縣江水一名夷水一名鹽水源出清江縣西都亭山水經曰夷水別出巴郡魚復縣注云水色清照十丈分沙石蜀人見澄清因名清江

板楯蠻

後漢書曰板楯蠻者秦昭襄王時有一白虎常從群虎數遊秦蜀巴漢之境傷害千餘人昭王乃募國中有殺虎者賞邑萬家時有巴郡閬中夷人能作白竹之弩乃登樓射殺白虎昭王嘉之以其夷人不欲加封乃刻石盟要復夷人頃田不租十妻不筭一戶免其一頭田之租稅雖傷人何承天集文曰從蠻夷盟曰秦者論殺人得以俛錢贖死贖罪貨也俛音徒濫切盟曰秦

犯夷輸黃龍一雙夷犯秦輸清酒一鍾夷人安之
又曰漢高帝爲漢王發夷人還伐三秦今關中秦地既定
乃遣還巴中復其渠帥羅朴督鄂度夕龔七姓不輸租賦
餘戶乃歲入賓錢口四十世號爲板楯蠻夷間中有渝水
其人多居水左右天性勁勇初爲漢前鋒數陷陣俗喜歌
舞音虛高祖觀之曰此武王伐紂之歌也乃命樂人習
之所謂巴渝舞也

又曰靈帝光和中巴郡板楯蠻叛寇掠三蜀及漢中諸郡
帝欲大發兵乃問益州計吏考以征討方略漢中上計程
苞對曰板楯七姓射殺白虎立功先世復爲義人其人勇
猛善於兵戰昔安帝永初中羌入漢川郡縣破壞得板楯
救之羌死敗殆盡故號爲神兵羌人畏忌傳語種輩勿復
南行至建和二年羌復大入實賴板楯連摧破之前車騎

將軍馮緝南征武陵雖丹陽精兵之銳亦倚板楯以成其
功近益州郡亂太守李暉亦以板楯討而平之忠功如此
本無惡心但長吏鄉亭更賦至重僕役筆楚過於奴虜闕
庭悠遠不能自聞含怨呼天叩心窮谷故邑落相聚以致
叛戾非有謀王僭號以圖不軌今但選明能牧守自然安
集不煩征伐也帝從其言遣太守曹謙宣詔赦之卽皆降
服

北史曰自劉石亂後蠻漸得北遷陸渾以南滿於山谷道
武既定中山蠻王梅安率渠帥數千朝京求留質子以表
忠款拜安侍子豹爲安遠將軍延興中大陽蠻首栢誕擁
河水以北澁葉以南八萬餘落內屬孝文嘉之拜誕東荆
州刺史襄陽王誕字天生栢玄子也旣內屬居朗陵王師
南伐請爲前驅討義陽不果而旋太和十七年蠻首田益

宗率部曲四千餘戶內屬襄陽蠻首雷婆思等十一人率
千餘戶內徙求居大和川詔給廩食後開南陽全有河北
之地蠻人安堵不為寇賊宣武景明初太陽蠻首田育丘
等二萬八千戶內附詔置四郡十八縣魯陽蠻魯北鷲等
聚眾萬餘攻逼頻陽遣右衛將軍李崇討平之徙萬餘家
於南北及六鎮尋叛南走所在追討比及河殺之皆盡
始二年梁沔東太守田清善擁七郡三十一縣戶萬九千
內附永寧初東荊州表太守栢叔興前後招慰太陽蠻歸
附者一萬七百戶請置郡十六縣五十詔前鎮東府長史
鄺道元檢行置之後二荆兩郢蠻大擾動斷三鵞路殺都
督寇盜至於襄城汝水百姓多被其害連年攻討散而復
合其暴滋甚有冉氏向氏田氏陔落最盛大者萬家小者
千戶更相崇樹僭稱王侯屯據三峽斷過水路荆蜀行人

至有假道者周文略定伊瀋聲教南被諸蠻畏威靡然向
風後唐州蠻田魯嘉叛自號豫州伯王雄等討平之尋而
蠻帥冉令賢向五子王等反攻陷白帝天和初開封陸騰
討斬之以其骸骨於水邏城側為京觀後蠻蠻音但見輒大
哭自是狼戾之心去矣

後漢書曰建武十二年九真徼外蠻里張游里蠻之別號今呼為促人

率種人慕化內屬封為歸漢里君音純縣人夷曰帶切世尺其俗

沉懷遠南越志曰晉康郡夫限音純縣人夷曰帶切世尺其俗

柵居實惟俚之城落

南州異物志曰廣州南有賊曰俚此賊在廣州之南蒼梧

鬱林合浦寧浦高涼五郡中央地方數千里往往別村各

有長帥無君主侍在山險不川城自古及今彌歷年紀民

俗蠢愚唯知貪利無有仁義道理士俗不愛骨肉而貪寶
貨及牛犢若見買人有財物水牛者便以其子易之夫或
鬻婦兒亦賣弟若隣里有負其家債不時還者其子弟中
愚者謂其兄曰我爲汝取錢汝但當善殯葬我耳其處多
野葛爲鉤挽數寸徑到債家門下謂曰汝負我錢不肯還
我今當自殺因食野葛而死債家門下其家便稱冤宗族
人衆往債家曰汝不還我錢而殺我子弟今當擊汝債家
慙懼因以牛犢財物謝之數十倍死家乃自收死者罷去
不以爲恨

裴淵廣州記曰狸獠貴銅鼓唯高大爲貴面闊丈餘方以
爲奇初成懸於庭尅晨置酒招致同類來者盈門其中豪
富子女以金銀爲大釵執以叩鼓音留遺主人各爲銅鼓
釵風俗好殺多構讎怨欲相攻擊鳴此鼓集衆到者如雲

有是鼓者極爲豪強

太平御覽卷第七百八十五

皆娶以爲妻後漸相滋長種人皆刻畫其身象蒲文衣皆
著尾九隆死世世相繼乃分置小玉往往邑居散在谿谷
絕城荒外山川阻深生人以來未嘗交通中國建武三十
三年其王賢栗遣兵乘算船算音蒲佳切南下江漢擊附塞夷
鹿芎音鹿芎人弱爲所擒獲於是震雷疾雨南風飄起水
爲逆流翻涌二百餘里算船沉沒哀牢之衆溺死者數千
人賢栗復遣六王將萬人以攻鹿芎鹿芎王與戰殺其六
王哀牢者老共埋六王夜虎復出其尸而食之餘衆驚怖
立引去賢栗惶恐謂其耆老曰我曹入邊塞自古有之今
攻鹿芎輒被天誅中國其聖帝乎天祐助之何其明也二
十七年賢栗等遂率種人詣越嶲太守鄭鴻降求內屬光
武封賢栗等爲君長自是歲來朝貢
又曰永平十二年哀牢王柳邈遣子率種人內屬顯宗以

其地置哀牢博南二縣割益州郡西部都尉所領六縣合
爲永昌郡始通博南山渡蘭倉水行者苦之歌曰漢德廣
開不賓度博南越蘭津渡蘭倉爲他人

又曰西部都尉廣漢鄭純爲政清潔化行夷貊天子嘉之
即以爲永昌太守純與哀牢夷人約邑豪歲輸布貫頭衣
二領鹽一斛以爲常賦夷俗安之

九州記曰哀牢人皆僂耳穿鼻其渠帥自謂王者耳皆下
肩三寸庶人則至肩而已土地沃美且五穀蠶桑知漆繅
文繡有蘭于細布繅言織也織成文章如綾錦有梧桐木華績

以爲布幅廣五尺潔白不受垢汚先以覆亡人然後服之
有濮竹節相去二丈地出銅鐵鉛錫金銀光珠琥珀水精
瑠璃軻蟲蚌珠孔雀翡翠犀象猩猩豹獸

唐書曰麟德元年五月於昆明之拊棟川置姚州都督府

每年差募兵五百人鎮守武太后神功二年蜀州刺史張東之上表曰姚州者古哀牢之舊國也本不與中國交通前漢唐蒙開夜郎滇笮而哀牢不附至光武季年始請內屬漢置永昌郡以統理之稅其鹽布羶蜀以利中土其國西通大秦通交阯奇珍進貢歲時不闕及諸葛亮五月渡瀘水收其金銀鹽布以益軍儲使張伯岐選其勁卒以增武備前代置郡其利頗深今鹽布之稅不供珍奇之貢不入而空竭府庫駟率平人受役蠻夷肝腦塗地昔漢以得利既多更置博南哀牢二縣蜀人愁怨行者作歌今於國家無絲髮之利在百姓受終身之酷伏乞省罷姚州使隸嶲府歲時朝覲同之蕃國

烏滸

後漢書曰交阯西有叡人國生首子輒解而食謂之宜弟

味旨則以遺其君君喜而賞其父取妻美則讓其兄今烏滸人是也

南州異物志曰交廣之界民曰烏滸

烏滸地名

東界在廣州之

南交州之北恒出道間伺候二州行旅有單迥輩者輒出擊之利得人食之不貪其財貨也地有棘竹厚十餘寸破以作弓長四尺餘名狐弩削竹爲矢以銅爲鏃長八寸以射急疾不用也地有毒藥以傅矢金入則撻皮視未見瘡顧盼之間肌肉便皆壞爛須臾而死尋問此藥云取虫諸有毒螫者合着管中曝之既爛因取其汁日煎之如射肉在其內地則裂外則不復裂也烏滸人便以肉爲殺俎又取其鬻破之以飲酒也其伺候行人小有失輦出射之若人無救者便止以火燔燻食之若人有伴相救不容得食力不能盡擔去者便斷取手足以去尤以人手足掌

蹠爲珎異以鉛長老出得人歸家合聚隣里懸死人中當
四面向坐擊銅鼓歌舞飲酒稍就割食之春月方田九好
出索人貪得之以祭田神也其國異物志曰烏潯取翠羽採珠爲產又能織斑布可以爲帷
幔族類同姓有爲人所殺則居處伺殺主不問是與非遇
人便殺以爲肉食也其國裴淵廣州記曰晉興有烏潯人以鼻飲水口中進噉如故
南史曰林邑國本漢日南郡象林縣古越裳界也伏波將
軍馬援開南境北縣其地從廣可六百餘里城去海百二
十里去日南界四百餘里北接九德郡其南界水步道二
百餘里有西圖夷亦稱王馬援所植二銅柱表漢界處也
其國有金山石皆赤色其中生金金夜則出飛狀如螢火

又出瑋瑁貝齒古貝沉木香古貝者樹名也其花成時如
鶯毳抽其緒紡之以作布布與紵布不殊亦染成五色織
爲斑布沈木香者土人斫斷積以歲年朽爛而心節獨在
置水中則沈故名曰沈香次浮者棧香漢末大亂功曹區
連殺縣令自立爲王數世其後王無嗣外甥范熊代立死
子逸嗣晉成帝咸康三年逸死奴文篡立文本日南西捲
縣夷帥范幼家奴常牧牛於山澗鯉得魚二化而爲鐵因
以鑄刀刀成文向石呪曰若斫石破者文當王此國因斫
石如斷芻藁文心異之范幼嘗使之商賈至林邑因教林
邑王作兵車器械王寵任之後乃讒言諸子各奔餘國及
王死無嗣文於隣國逐王子置毒於漿中殺之遂脅國人
自立

又曰林邑王文敵爲扶南王子當根純所殺大臣范諸農

平亂自立爲王諸農死子陽邁立陽邁初在孕其母夢生
兒有人以金席藉之其色光麗夷人謂金之精者爲陽邁
若中國云紫磨者因以爲名宋永初二年遣使貢獻以陽
邁爲林邑王陽邁死子咄立慕其父復曰陽邁其國俗居
處爲閣名曰干闥門戶皆北向書樹葉爲紙男子皆以橫
幅古貝繞腰已下謂之干漫亦曰都漫穿耳貫小環貴者
着革屣賤者跣行自林邑扶南諸國皆然也其王着法服
加纓珞如佛像之飾出則乘象吹螺擊鼓罩古貝繖以古
貝爲幡旗國不設刑法有罪者使象蹋殺之其大姓號婆
羅門嫁娶必用八月女先求男由賤男而貴女同姓還則
婚姻使婆羅門引婿見婦掘手相付呢曰吉利吉利爲成
禮死者焚之中野謂之火葬其寡婦孤居散髮至老國王
事竺乾道鑄金銀人像大十圍元嘉中陽邁侵暴日南九

德諸郡交州刺史杜弘之建平欲討之聞有代乃止

又曰宋帝元嘉二十二年使交州刺史檀和之振武將軍
宗慤伐林邑和之遣司馬蕭景憲爲前鋒陽邁聞之懼欲
輸金一萬斤銀十萬斤銅三十萬斤還欲略日南戶其大
臣毒音曾達諫止之乃遣太帥范扶龍戍其北界區栗城
攻城尅之乘勝卽尅林邑陽邁父子並挺身逃奔獲其珠
異皆是未名之寶又銷其金人得黃金數萬斤

又曰齊永明中林邑王范文贊遣使貢獻梁天監中文贊
子天凱奉表獻白猴自此貢獻不絕

北史曰林邑國延袤數千里土多香木金寶物產大抵與
交趾同以磚爲城蜃炭塗之皆附北戶以向日或東西無
定尊官有二其一曰西郎婆帝其二曰薩婆地歌其屬官
三等其一曰倫多姓次歌倫致帝次乙地伽蘭外官分爲

二百餘部其長日弗羅次日可倫如牧宰之差也王戴金花冠形如章甫衣朝霞布珠璣纓絡足躡革履時服錦袍負家子侍衛者二百餘人皆執金裝兵有弓箭刀槊以竹爲弩傅毒於矢樂有琴笛琵琶五絃頗與中國同每擊鼓以警衆吹蠶以即戎其人深目高鼻髮拳色黑俗皆徒跣以幅布纏身冬月衣袍婦人椎髻書樹桑紙施柳葉爲席王死七日而葬有官者三日庶人一日以函盛屍鼓舞導從輿至外次積薪焚之收其餘骨王則內金罌中沉之於海有官者以銅罌沉之海口庶人以瓦送之於江男女皆截髮哭至水次盡哀而止歸則不哭每七日燃香散花復哭盡哀而止百日三年皆如之皆奉佛文字同於天竺隋書曰林邑之先因漢末交趾女子徵則之亂內縣功曹子區連殺縣令自號爲王無子其甥范熊代立死子逸立

昔南人范文因亂爲逸僕隸遂教之築宮室造器械逸甚信任使文將兵極得衆心文因聞其子弟或奔或徙及逸死國無嗣文自立爲王其後范佛爲晉楊威將軍戴栢所破宋交州刺史檀和之將兵擊之深入其境至梁陳亦通使往來其國延袤數千里高祖旣平陳乃遣使獻方物其後朝貢遂絕時天下無事羣臣言林邑多奇寶者仁壽末上遣大將劉方爲驩州道行軍總管率欽州刺史甯長直驩州刺史李暈開府秦雄步騎萬餘及犯罪者數千人擊之其王梵志率其徒乘巨象而戰方軍不利方於是多掘小坑草覆其上因以兵挑之梵志悉衆而陳方與戰僞北焚志逐之至坑所其衆多陷轉相驚駭軍遂亂方縱兵擊之大破之頻戰輒敗遂棄城而走方入其都獲其廟主十八枚皆鑄金爲之蓋共有國十八葉矣方班帥梵志復其

故地遣使謝罪於是朝貢不絕八葉突武海國志唐書曰貞觀中林邑王梵頭利死率國人共立頭利女爲王諸葛地頭利之姑子女王獨在國中不寧大臣司倫翁定乃立地爲王妻之以女主其國乃定諸葛地自立後遣使司倫因地盤獻火珠狀如水精日午時正以珠承影取艾衣之火見云得之於羅刹國今之環玉國主卽梵志之後在日南郡西陸行二十餘日方至南齊書扶南國蕭子顯齊書曰扶南國男子截錦爲橫幅女爲貫頭貧者以布日蔽鍛爲鑲鑽鑲音銀器伐木起屋國王居重閣以木柵爲城海邊生大箬葉長八九編其葉以覆屋國王行乘象婦女亦能乘象無牢獄有訟者則以金指環若雞子沸湯中令探之又燒鎖令赤着手上捧行七步有罪者手背

焦爛無罪者不傷又令沒水直者入卽沈不自者不沈又曰扶南在日南之南大海西灣中廣袤三千餘里有大江
水西海入海其先有女人爲王名柳葉又有激國人名混填夢神賜弓一張故乘船入海填晨起於神廟樹下得弓卽乘船向扶南柳葉見船率衆欲禦之混填舉弓遙射貫船一面通中人柳葉怖遂降混填娶以爲妻惡其裸露形體乃穿疊布貫其首遂治其國子孫相傳南史曰扶南王混盤死國人共舉大將軍范蔓爲王蔓勇健有權略復以兵威攻伐旁國咸服屬之自號扶南大王乃作大船窮漲海開國十餘闕地五六千里蔓死後大將范尋殺其子長而代立更繕國內起觀閣遊戲之朝日中脯三四見客百姓以蕉蔗龜鳥爲禮國無牢獄於城溝中養鱧魚門外圍猛獸有罪者輒以餒猛獸及鱧魚魚獸不

食爲無罪三日乃放之鱈魚大者長三丈餘狀如鼉有四
足喙長六七尺兩邊有齒利如刀劍常食魚遇得麋鹿及
人亦噉之蒼梧以南及外國皆有之
又曰扶南王憍陳如本天竺婆羅門也有神語曰應王扶
南憍陳如心悅南至盤盤扶南人間之舉國欣迎戴而立
焉復改制度用天竺法憍陳如死後王持黎隨跋摩宋文
帝元嘉中三奉表獻方物齊永明中王憍陳如闍邪跋摩
遣使送珊瑚佛像并獻方物詔授安南將軍扶南王其國
人皆醜黑拳髮所居不穿并數十家共一池引汲之俗事
天神以銅爲像二面者四手四面者八手手各有所持或
小兒或鳥獸或日月其王出入乘象嬪侍亦然王坐則偏
踞翹膝垂左膝至地以白疊敷前設金盆香爐於其上國
俗居喪則剃髮除鬚死者有四葬水葬則投之江流火葬

則焚爲灰爐土葬則瘞埋之鳥葬則弃之中野人性貧悵
無禮義男女恣其奔隨

隋書曰扶南國王遣貢獻其王姓古龍國諸多姓古龍訊
耆老言崑崙無姓氏乃崑崙之訛
抱朴子曰扶南國出金鋼可以刻玉狀似紫石英其所生
在百丈水底盤石上如鍾乳人汲水取之竟日乃出以鐵
槌之不傷鐵反自損以殺羊角扣之漼然冰泮
外國傳曰扶南人若戶中亡器物者卽以米一舛詣神廟
乞神見盜者以米着神足下明日取米呼戶中奴婢分令
嚙之盜者口中血出米完不碎不盜者入口卽敗從日南
至徼外悉爾
又曰扶南之東漲海中有大火洲洲上有樹得春雨時皮
正黑得火燃樹皮正白紡績以作手巾或作燈炷用不知

盡
又曰扶南國人最大居舍雕文刻鏤好布施多禽獸王好
獵皆乘象一去月餘日

南州異物志曰扶南國在林邑西三千餘里自立爲王諸
屬皆有官長及王之左右大臣皆號爲崑崙

真臘

隋書曰真臘國在林邑西南本扶南之屬國也去日南郡
舟行六十日而南接車渠國西有朱江國其王姓利利氏
名質多斯那自其祖漸巴強盛至質多斯那遂兼扶南而
有之死子伊奢那先代立居伊奢那城郭下二萬餘家城
中有一大堂是王聽政之所其王三日一朝坐五香七寶
床上施寶帳帳以文木爲竿象牙金鈿爲壁狀如小屋懸
金光焰有同於赤土前有金香爐二人侍側王着朝霞古

具纓絡腰腹下垂至脛頭戴金寶花冠披真珠瓔珞足履
革屣耳懸金璫常服白疊以象牙爲屨有五大臣一日孤
落支二日高相憑三日婆門多陵四曰舍磨陵五日賸羅
婁及諸小臣朝於王者輒於階下三稽首王喚上階則跪
以兩手抱膊遶王環坐議政事訖跪伏而去其國與參半
朱江二國和親數與隨栢林邑二國戰爭其人行止皆持
甲仗若有征伐因而用之其俗非王妻子不得爲嗣王初
立之日所有兄弟並刑殘之或去一指或劓其鼻別處供
給不得仕進人形小而色黑婦人亦有白者悉拳髮垂耳
性氣捷勁居處器物頗類赤土以右手爲淨左手爲穢每
旦澡洗以楊枝淨齒讀頌經呪又澡洗乃食食罷還用楊
枝淨齒飲食多蘇酪沙糖粳粟米餅飲食之時先取雜肉
羹與餅相和手擣而食男婚禮畢即與父母分財別居父

母死小兒未婚者以餘財與之若婚畢財物入官其喪葬
兒女皆七日不食剔髮而哭僧尼道士親故皆來聚會音
樂送之以五香木燒屍收灰以金銀瓶盛送于大水之內
貧者或用瓦而以彩色畫之亦有不焚送屍山中任野獸
食者其國北多山阜南有水澤池氣尤熱無霜雪饒瘴癘
毒蟲土宜梁稻與日南九真相類異者有婆那娑樹無花
葉似冬瓜菴羅樹花葉似棗實似李毗野樹花似木瓜葉
似杏實似楮婆田羅樹花葉實並似棗而小異歌畢他樹
花似林檎葉似榆而厚大實似李其大如升海中有魚名
建同四足無鱗其鼻如象吸水上噴高五六十尺有浮胡
魚其形如魼背如鸚鵡有八足多大魚半身出水望之如
山每五六月中毒熱氣流行即以白猪牛羊於城西門外
祠之不然者穀不登六畜多死近都有陵伽鉢婆山上有

神祠每以兵二十人守衛城東有神名婆多利祭用人肉
每年殺人以夜祀禱大業十三年遣使貢獻帝厚禮之其
後亦絕

唐書曰真臘國貞觀二年又與林邑國俱來朝獻太宗嘉
其歷遠疲勞錫賚甚厚南方人謂真臘國爲吉篋國自神
龍以後真臘分爲二半以南近海多陂澤處謂之水真臘
半以北多山阜處謂之陸真臘亦謂之文單國高宗則天
玄宗朝並遣使朝貢水真臘國其境東西南北約皆八百
里東至奔陁浪州西至墮羅鉢底國南至小海北即陸真
臘其王所居城號婆羅提拔國之東界有小城皆謂之國
其國多象元和八年遣李摩那等來朝貢

參半國

唐書曰武德中參半國遣使朝貢其國在真臘西南千餘

里城臨大海土地下濕風俗物產並與林邑國同

白頭國

唐書曰貞觀中扶南來獻白頭國二人於洛陽云其國在扶南之西參半之西南男女皆素首身又凝白居易山洞之中四面巖險故人莫至與參半國相接

太平御覽卷第七百八十六

唐書曰貞觀中扶南來獻白頭國二人於洛陽云其國在扶南之西參半之西南男女皆素首身又凝白居易山洞之中四面巖險故人莫至與參半國相接

太平御覽卷第七百八十七

四夷部八

南蠻三

赤土國 蒲羅中國 優敏國 橫跌國

北攏國 馬五洲 薄歎洲 耽蘭洲

巨延洲 濱邠專國 烏文國 期調國

林陽國 牟奴七國 蒲林國 師子國

毗加梨國 于陁利國 狼牙修國 婆利國

訶羅隋國 訶羅單國 蒲黃國 婆皇國

婆達國 閻婆達國 槃槃國 斤陁利國

隋書曰赤土國扶南之別種也在南海中水行百餘日而達所都土色赤因以為號東婆羅刺國西婆羅婆國南訶

羅旦國北拒大海地方數千里其王姓瞿曇氏名利富多
塞不知有國近遠稱其父釋王位出家爲道傳位於利富
多塞在位十六年矣有三妻並隣國王之女也居僧祇城
有門三重相去各百許步每門圖畫仙人菩薩之像懸
金花鈴珥婦女數十人或奏樂或捧金花又飾四婦人容
飾如佛塔邊金剛力士之狀夾門而立門外者持兵杖門
內皆執白拂夾道垂素網綴花王宮諸屋悉是重閣北戶
北而而坐坐三重之榻衣朝霞布冠金花冠垂雜寶瓔珞
四女子立侍左右有兵衛百餘人王榻後作一龕以金銀
五香木雜鈿之龕後懸一金光焰夾榻又樹二金鈴鐘前
並陳金甕瓊前各有金香爐當前置一金伏牛牛前樹一
寶蓋蓋左右皆有寶扇婆羅門等數百人東西重行相向
而坐其官有薩陁迦邏一人隨拏達又二人迦利密迦三

共掌政事俱羅末帝一人掌刑法每城置耶迦一人鉢帝
十人其俗皆穿耳剪髮無跪拜之禮以香油塗身敬佛尤
重婆羅門婦人作髻於項後男女通以朝霞朝雲雜色布
爲衣豪富之室恣意華麗唯金鍊非王賜不得服用每婚
嫁擇吉日女家先期五日作樂飲酒父執女手以授婿七
日乃配焉既娶則分財別居唯幼子與父同居父母兄弟
死則剔髮素服就水上楮竹爲棚棚內積薪以屍置上燒
香建幡吹蠶擊鼓以送之縱火焚薪遂落於水貴賤皆同
唯國王燒訖收灰貯以金瓶藏於廟屋冬夏常溫雨多霽
少種植無時特宜稻稌白豆黑麻自餘物產多同交趾以
甘蔗作酒雜以紫瓜根酒色黃赤味亦香美亦名椰漿爲
酒一
又曰煬帝卽位募能通絕域者大業三年屯田主事常駿

虞部主事王君政等請使赤土帝大悅賜駿等帛各百疋時服一襲遣賚物五千段以賜赤土王其年十月駿等自南海郡乘舟晝夜二旬旬值便風至焦石山而過東南泊陵伽鉢拔多洲西與林邑相對上有神祠焉又南行至師子石自是島嶼連接又行二三日西望見狼牙須國之山於是南達雞籠島至於赤土之界其王遣使婆羅門鳩摩羅以舶三十艘來迎吹蠶擊鼓以樂隨使進金鑲以纜駿舩月餘至其都王遣其子耶耶迦請與駿等禮見先遣人送金盤貯香花并鏡鑷金合二枚貯香油金瓶八枚貯香水白疊布四條以擬供使者盥洗將象二頭持孔雀蓋以迎使人并致金花盤以藉詔函男女白人奏蠶鼓婆羅門二人導路至王宮宣詔訖引駿等坐奉天竺樂事畢駿等還館又遣人送食以草葉爲盤其大方丈後請駿等人宴

王前設兩床床上並設草葉盤方一丈五尺上有黃白紫赤四色之餅牛羊魚鱉猪瑇瑁之肉百餘品延駿升床從者坐於地席各以金鍾置酒女樂迭奏禮遺甚厚尋遣耶耶迦隨駿貢方物既入海見綠魚群飛水上浮海上十餘里至林邑東南並蒲浪山而行其海水闊千餘步色黃氣腥舟行一日不絕云是大魚糞也循海北岸達于交阯至六年春與耶耶迦於以農謁帝帝大悅賜物及官賞各有差

蒲羅中國

吳時康泰爲中郎表上扶南土俗曰抱利正東行極崎頭海邊有居人人皆有尾五六寸名蒲羅中國其俗食人又優斂國

康泰扶南土俗曰優斂國者在天竺之東南可五千里國

土熾盛城郭玆玩謠俗與天竺同

橫跌國

康泰扶南土俗曰橫跌國在優鉞之東南城郭饒樂不及優鉞也

北攏國

康泰扶南土俗曰諸薄之東南有北攏洲出錫轉賣與外

馬五洲

康泰扶南土俗曰諸薄之東有馬五洲出鷄舌香樹木多

薄歎洲

康泰扶南土俗曰諸薄之西北有薄歎洲土地出金常以採金為業轉賣與諸賈人易糧米雜物

耽蘭洲

康泰扶南土俗曰諸薄之西北有耽蘭之洲出鐵

巨延洲

康泰扶南土俗曰諸轉薄之東北有巨延洲人民無田種芋浮船海中截大蚶螺杯往扶南

濱邠專國

康泰扶南土俗曰濱邠專國出驢馬及金俗民皆有衣被結髮也

烏文國

康泰扶南土俗曰烏文國昔混溟初載賈人大舶入海所成北國

斯調國

康泰扶南土俗曰斯調洲灣中有自然鹽累如細石子國

人取之一車輸王餘自入

南州異物志曰斯調海中洲名也在歌營東南可三千里
上有三國城市街巷土地沃美

萬震南方異物志曰斯調國又有中洲焉春夏生火秋冬
死有木生於火中秋冬枯死以皮爲布

林陽國

康泰扶南土俗曰扶南之西南有林陽國去扶南七千里
土地奉佛有數千沙門持戒六齋日魚肉不得入國一日
再市朝市諸雜米甘菓石密暮市但貨香花

南州異物志曰林陽在扶南西七千餘里地皆平博民十
餘萬家男女行仁善皆侍佛

牟奴國

摸盧國

末利國

卑離國

滿都國

縉余國

沙樓國

晉起居注曰太熙元年正月牟奴等國大小口十七萬九
千餘人各遣正副使詣護東夷校尉何龕上獻方物

蒲林國

晉起居注曰興寧元年閏月蒲林王國新開通前所奉表
詣先帝今遣到其國慰諭

師子國

宋元嘉起居注曰師子國王遣使奉獻詔曰此小乘經甚
少彼國所有皆可悉爲寫送之間彼隣多有師子此所未
覩可悉致之

法顯記曰師子國本无人止有鬼神及龍居之諸國商人
來共市易鬼神自現身但出寶物顯其時直商人則依價
直取物諸國人聞其土樂悉亦復來於是遂成大國和適
無冬夏之異草木常茂田種隨人無有時節

宋元嘉起居注曰五年天竺毗加梨國王月受遣使上表并奉金剛指環一枚剛印摩勒金環一枚毘瑟六具白旃檀六段白赤鸚鵡各一頭細疊兩張

于陁利國

南史曰于陁利國在南海洲上其俗與林邑扶南略同出班布古貝檳榔特精爲諸國之極宋孝武世王釋婆羅那隣陁遣長史竺留陁獻金銀寶器梁天監元年其王瞿曇脩跋陁羅以四月八日夢一僧謂曰中國今有聖主十年後佛法大興汝若遣使貢奉禮敬則土地豐樂商旅百倍若不信我則貴土不得自安初末之信旣而又夢此僧曰汝若信我我當與汝往觀乃於夢中至中國拜觀天子旣覺心異之陁羅本工畫乃寫夢中所見武帝容資飾以丹

青仍遣使并畫工奉表獻玉盤等物使人旣至摸寫帝形以還其國比本畫則符同焉因盛以寶函日加禮敬後跋陁死子毗針耶跋摩立遣長史毗負跋摩奉表獻金芙蓉雜香藥等

狼牙脩國

南史曰狼牙脩國在南海中其界東西三十日南北二十日行北去廣州二萬四千里土氣物產與扶南略同偏多棧沉婆律香其俗男女皆袒而披髮以古貝爲干漫其王及貴臣乃加雲霞布覆脚以金繩爲絡帶金環貫耳女子則布以纓絡繞身其國累塼爲城重門樓閣王出乘象有幡毘旗鼓罩白蓋兵衛甚嚴國人說立國已四百餘年後嗣衰弱王族有賢者國人歸向之王聞乃加囚執其鎖無故自斷王以爲神因不敢害乃逐出境遂奔天竺天竺妻

以長女俄而狼牙王死大臣迎還爲王二十餘年死子婆
伽達多立天監十四年遣使阿撒多奉表入貢
南史曰婆利國在廣州東南海中洲上去廣州二月日行
國界東西五十日行南北二十日行有一百三十六聚土
氣暑熱如中國之盛夏穀一歲再熟草木常榮海出文螺
紫貝有石名埧貝大硬其國人抱古貝如袍及爲都縵乃
用璉絲者以纓絡繞身頭着金長冠高尺餘形如牟綴以
七寶之飾帶金裝劍偏坐金高座以金鐙支足侍女皆爲
金花雜寶之飾或持白毼拂及孔雀扇王出以象駕輿輿
以雜香爲之上施羽蓋珠簾導從吹螺擊鼓自未通中國
問其先及年數不能記自言白靜王夫人卽其國女人監
十六年遣使奉表獻金席等普通三年其王頻伽復遣使

珠智獻白鸚鵡青蟲兜鍪琉璃器古貝螺杯雜色香數十
種

隋書曰婆利國自交趾浮海南過赤土丹丹乃至其國國
界東西四月行南北四十五日行王姓刹利耶伽名護濫
那婆官曰獨訶邪拏次日獨訶氏拏國人善投輪刀其大
如鏡中有竅外鋒如鋸遠以投人無不中其餘兵器與中
國略同俗類真臘物產同於林邑其殺人及盜截其手姦
者鎖其足暮年而止祭祀必以月晦盤貯酒殺浮之流水
每十一月必設大祭海出珊瑚有鳥名舍利解人語大業
十二年遣使入貢後遂絕

訶羅隋國

南史曰訶羅隋國宋元嘉七年遣使奉表曰伏承聖主重
三寶興立塔寺周滿國界今故遣使二人表此微心

呵羅單國

宋元嘉起居注曰去九年六月闍婆洲呵羅單國王毗沙跋摩遣使獻奉

又曰十一年呵羅單國王尸梨毗遮耶獻銀漆梓等

南史曰呵羅單國都闍婆洲元嘉七年遣使獻金剛指環赤鸚鵡鳥天竺國白疊古貝葉婆國古貝等物十年呵羅單國王毗沙跋摩奉表曰常勝天子陛下諸佛世尊常樂安穩三達大通為世間導是名如來是故至誠五體敬禮其後與子所篡奪十三年又上表二十六年文帝詔曰呵羅單國婆皇婆達三國頻越遐海款化納貢遠誠宜甄可並加除授乃遣使策命之二十九年又遣長史婆和沙弥獻方物

蒲黃國

宋元嘉起居注曰二十六年蒲黃國獻牛黃等物又獻鬱金香等物

婆皇國

南史曰婆皇國元嘉二十六年國王舍利婆羅跋摩遣使獻方物四十一種文帝策命之為婆皇國王二十八年復遣使貢獻孝武孝建三年又遣長史竺那婆智奉表獻方物以那婆智為振威將軍大明三年獻赤白鸚鵡大明八年明帝泰始二年又遣使貢獻明帝以其長史竺須羅遠前長史振威將軍竺那婆智並為龍驤將軍

婆達國

南史曰婆達國元嘉二十六年國王舍利不陵伽跋摩遣使獻方物文帝策命之為婆達國王二十六年二十八年復遣使獻方物

閩婆達國

南史曰閩婆達國元嘉中國王師利婆達呵隨羅跋摩遣使奉表曰宋國大主大吉天子足下教化一切種智安穩天人師降伏四魔成等正覺轉道法輪度脫眾生我雖在遠亦霑靈潤

槃槃國

宋起居注曰孝建二年七月二十日槃槃國王遣長史竺伽藍婆奉獻金銀琉璃諸香藥等物南史曰槃槃國元嘉孝建大明中並遣使貢獻梁中大通元年四年其王使使奉表累送佛牙及畫塔獻沉檀等香數十種六年八月復遣使送菩提國舍利及畫塔國圖并菩提樹葉簷糖等香

梁書曰槃槃國南海大洲中地與林邑隔小海自交州船

行四十日至其國王曰楊栗翹音栗翹父曰楊德武連以

上無得而紀百姓多緣水而居國無城皆豎木爲柵王坐

金龍床每坐諸大人皆兩手交抱肩而跪及其國多有婆

羅門自天竺來就王乞財物王甚重之其大臣曰勃郎索

濫次日崑崙帝也次日崑崙勃和音胡切次日崑崙勃帝索

甘且其言崑崙古龍聲相近故或有謂爲古龍者其在外

城者曰郝延猶中夏刺史縣令其矢多以石爲鏃稍則以

鐵爲刃有僧尼寺十所僧尼讀佛經皆食肉而飲酒亦有

道士寺一所道士不飲酒食肉讀阿脩羅王經其國不甚

重之俗皆呼僧爲比丘呼道士爲貪隋大業中亦遣使朝

貢

唐書曰槃槃國在林邑西南海曲中北與林邑隔小海自交州船行四十四日乃至其國與狼牙脩國爲隣人皆學

婆羅門甚敬佛法貞觀九年遣使來貢方物

斤陁利國

宋起居注曰孝建二年八月二日斤陁利國王釋陁羅隣
遣長史竹留陁及多奉表獻方物

太平御覽卷第七百八十七

金澤文庫

